

Na osnovu člana 92. stav 4. Zakona o prostornom planiranju i korištenju zemljišta na razini Federacije Bosne i Hercegovine («Službene novine Federacije BiH», br. 2/06 i 72/07) Federalni ministar prostornog uređenja, d o n o s i :

P R A V I L N I K

o načinu zatvaranja i označavanja zatvorenog gradilišta, odnosno građevine

Član 1.

Zatvaranje gradilišta, odnosno građevine na licu mjesta u slučajevima iz člana 92. stava 1. tač. 2. i 4. Zakona o prostornom planiranju i korištenju zemljišta na nivou Federacije Bosne i Hercegovine («Službene novine Federacije BiH», br. 2/06 i 72/07, federalni građevinski inspektor vrši postavljanjem službenog znaka i trake na gradilište, odnosno građevinu te pečaćenjem oružja, strojeva i drugih sredstava za rad u cilju onemogućavanja njegovog daljnjeg korištenja.

Iznimno od stava 1. ovoga člana federalni građevinski inspektor može zatvoriti gradilište, odnosno građevinu velike površine i/ili dužine, postavljanjem više službenih znakova na vidljivim mjestima

Član 2.

Naredbu o zatvaranju gradilišta, odnosno građevine inspektor utvrđuje zapisnikom o inspekcijskom pregledu.

Član 3.

Službeni znak i traka postavljaju se na gradilište, odnosno građevinu na vidljivo mjesto i na odgovarajući način.

Član 4.

Za vrijeme dok je zatvoreno gradilište, odnosno građevina mogu se izvoditi samo oni radovi i mjere određene u rješenju o zatvaranju gradilišta, odnosno građevine.

Radovi i mjere iz stava 1. ovoga člana utvrđuju se zapisnikom o inspekcijskom pregledu.

Član 5.

Grafički prikaz i sadržaj službenog znaka i trake sa pripadajućim tekstom sastavni su dio ovog Pravilnika.

Član 6.

Ovaj Pravilnik stupa na snagu osmog dana od dana objavljivanja u «Službenim novinama Federacije BiH»

Broj: 03-02-3-1396/07
Sarajevo, Novembar 2007. godine

M I N I S T A R

mr.sc. Salko Obhodaš

Grafički prikaz službenog znaka i trake (mjere u mm):

Ko skine ili povrijedi službeni pečat ili znak koji je ovlaštena službena osoba stavila radi osiguranja predmeta ili prostorije, ili ko bez skidanja ili povrede pečata ili znaka otvori osigurani predmet ili uđe u takvu prostoriju, kaznit će se kaznom zatvora od tri mjeseca do tri godine ("Službene novine Federacije BiH", br. 36/03, 37/03, 21/04 i 18/05)

